

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ - 5

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«12» հունվարի 2024թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Շանթ Բալաբեկյանի (Անձնագիր՝ AR0445944, հասցե՝ ՀՀ, ք. Երևան, Ավան-Առինջ 1 միկրո., 2/11 շենք, բն. 34) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

2023թ-ի ապրիլի 10-ին ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի մաքսային տարածքով ժամանակավոր ՀՀ է ներմուծվել թիվ 05100033/100423/0000796148/00 մաքսային մուտքի օրդերով ձևակերպված 848 000 ՀՀ դրամ արժեքով 2003 թվականի արտադրության «BMW-318 I» մակնիշի, «GM875MM» հաշվառման համարանիշի տրանսպորտային միջոց: 2023 թվականի հունիսի 27-ին Երևան-Գյումրի ավտոճանապարհի 42-րդ կմ հատվածում տեղի է ունեցել ավտովթար: ՀՀ քննչական կոմիտեի Արագածոտնի մարզային քննչական վարչությունում 27.06.2023 թ-ին կազմվել է թիվ 29152223 արձանագրություն՝ քրեական վարույթ նախաձեռնելու մասին: 10.10.2023թ.-ին Շանթ Բալաբեկյանը ՊԵԿ ներկայացված թիվ Մ-4248-2023 դիմումով խնդրել է երկարաձգել տրանսպորտային միջոցի ՀՀ-ում գտնվելու ժամկետը: Քրեական վարույթ նախաձեռնելու մասին թիվ 29152223 արձանագրության և Շանթ Բալաբեկյանի թիվ Մ-4248-2023 դիմումի ուսումնասիրության արդյունքում պարզվել է, որ մաքսային հսկողության ներքո գտնվող «BMW-318 I» մակնիշի, «GM875MM» հաշվառման համարանիշի տրանսպորտային միջոցը Շանթ Բալաբեկյանը հանձնել է քաղաքացի Արսեն Արմենի Մարգարյանին, որի հետևանքով վերջինս ենթարկվել է վթարի:

Փաստի առթիվ Շանթ Շիրակի Բալաբեկյանի նկատմամբ «Մաքսային կարգավորման մասին» ՀՀ օրենքի 308-րդ հոդվածի 2-րդ մասի հատկանիշով կազմվել է մաքսային կանոնների խախտման վերաբերյալ արձանագրություն:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին

համապատասխան, գտնվում են մաքսային հսկողության տակ միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի.

ԵԱՏՄ մաքսային օրենսգրքի 262-րդ հոդվածի 9-րդ կետերի համաձայն՝ Միության մաքսային տարածք ներմուծված անձնական օգտագործման ապրանքները Միության ապրանքների կարգավիճակ են ձեռք բերում դրանց ազատ շրջանառության համար բաց թողնելու պահից:

Հայաստանի Հանրապետության տարածք ներմուծվող ապրանքները ներմուծման մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

ԵԱՏՄ մաքսային օրենսգրքի 264-րդ հոդվածի 6-րդ կետի համաձայն՝ ժամանակավոր ներմուծված անձնական օգտագործման տրանսպորտային միջոցները միության մաքսային տարածքում պետք է գտնվեն հայտարարատուի փաստացի տիրապետման և օգտագործման տակ, եթե այլ բան սահմանված չէ սույն հոդվածով:

«Մաքսային կարգավորման մասին» ՀՀ օրենքի 191-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 308-րդ հոդվածի 2-րդ մասի համաձայն՝ ֆիզիկական անձանց կողմից մաքսային հսկողության ներքո գտնվող անձնական օգտագործման տրանսպորտային միջոցներն առանց մաքսային մարմնի գրավոր թույլտվության հանձնելը՝ առաջացնում է տուգանք՝ այդ տրանսպորտային միջոցների մաքսային արժեքի քսան տոկոսի չափով:

Շանթ Բալաբեկյանը 2024թ-ի հունվարի 12-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 308-րդ հոդվածի 2-րդ մասի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային կարգավորման մասին օրենքի 332-րդ հոդվածի 2-րդ մասի՝ չներկայանալու դեպքում վարչական գործի քննությունը կիրականացվի առանց իր մասնակցության:

Այսպիսով, գործի նյութերով պարզվել է, որ Շանթ Բալաբեկյանը թիվ 05100033/100423/0000796148/00 մաքսային մուտքի օրդերով ՀՀ է ներմուծել «BMW-318 I»

մակնիշի, «GM875MM» հաշվառման համարանիշի ավտոմեքենա՝ 848 000 ՀՀ դրամ արժեքով, որը մաքսային հսկողության ներքո գտնվելու ժամանակ, առանց մաքսային մարմնի թույլտվությամբ, հանձնել է այլ անձի, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 308-րդ հոդվածի 2-րդ մասով նախատեսված մաքսային կանոնների խախտում, ինչը հիմնավորվում է մաքսային կանոնների խախտման արձանագրությամբ, թիվ 05100033/100423/0000796148/00 մաքսային մուտքի օրդերով, Արագածոտնի մարզային քննչական վարչության 27.06.2023 թ-ին կազմված թիվ 29152223 արձանագրությամբ և Շանթ Բալաբեկյանի կողմից ՊԵԿ ներկայացված 10.10.2023թ.-ի թիվ Մ-4248-2023 դիմումով:

Հիմք ընդունելով «Մաքսային կարգավորման մասին» ՀՀ օրենքի 308-րդ, 334-րդ, 335-րդ հոդվածները.

Ո Ր Ո Շ Ե Ց Ի՝

1" Շանթ Շիրակի Բալաբեկյանին ճանաչել զանցառու «Մաքսային կարգավորման մասին» ՀՀ օրենքի 308-րդ հոդվածի 2-րդ մասով և նրան տուգանել թիվ 05100033/100423/0000796148/00 մաքսային մուտքի օրդերով ՀՀ ներմուծված ավտոմեքենայի մաքսային արժեքի քսան տոկոսի չափով՝ 169 600 ՀՀ դրամ:

2. Որոշման մասին հայտնել Շ.Բալաբեկյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորաբաժանման անվանումը)

Ղեկավար՝ Արման Մնացականյան

(անուն, ազգանուն)


(ստորագրություն)

Որոշման օրինակը՝ _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: